

**Na osnovu člana 12., stav 2. Zakona o kontroli cijena ("Službene novine Federacije BiH" br. 2/95 i 70/08), federalni ministar trgovine, donosi**

**UPUTSTVO O NAČINU I ROKOVIMA DOSTAVE  
OBAVJEŠTENJA O PROMJENI CIJENA I MARŽI  
POJEDINIH PROIZVODA I USLUGA**

1. Ovim Uputstvom propisuju se obaveze privrednih društava, drugih pravnih i fizičkih lica ( u daljnjem tekstu:privredni subjekti), u pogledu načina i rokova dostavljanja obavještenja o promjeni cijena i marži u maloprodaji pojedinih proizvoda i usluga radi evidentiranja i praćenja ( u daljnjem tekstu:obrasci OPC i OPM), koji su sastavni dio ovog Uputstva.

2. Privredni subjekti su dužni, Federalnom ministarstvu trgovine ( u daljnjem tekstu:Ministarstvu) dostavljati radi evidentiranja, obavještenja o promjeni cijena i marži na malo za proizvode i usluge određene u tački III.Odluke o mjerama neposredne kontrole određenih proizvoda i usluga od interesa za Federaciju Bosne i Hercegovine ("Službene novine F BiH", br. 34/09 ) i to za sljedeće proizvode i usluge:

-pogonska motorna goriva sa unutrašnjim sagorijevanjem i ulja za loženje (LUEL), čiji se promet vrši u maloprodajnom objektu (benzinska pumpa),

- sol za ljudsku prehranu, šećer kristal, mlijeko u prahu, jestivo ulje u jediničnoj mjeri ( kilogram odnosno litar) i margarin od 250 grama.

3. Privredni subjekti, koji u maloprodajnom objektu ( benzinska pumpa) vrši promet pogonskog motornog goriva i lož ulja, dužni su radi ovjere dostaviti Ministarstvu obrasce OPC i OPM, putem faksa, radnim danom najkasnije do 12,00 sati dan prije stupanja na snagu novih cijena i marži.

Dostavljene OPC i OPM obrasce Ministarstvo ovjerava i isti putem faksa vraća privrednom subjektu.

Cijene stupaju na snagu naredni dan nakon ovjere Ministarstva, sa početkom primjene od 00 sati.

Važeće ovjereno obavještenje privredni subjekti su dužni istaknuti na vidnom mjestu u prodajnom objektu ( benzinska pumpa) i ista mora biti uočljiva za kupca. Privredni subjekti su dužni dostaviti obrasce OPC i OPM i u slučaju kada se prvi put počinju baviti djelatnošću ove tačke, odnosno kada se radi o nabavci i prodaji novog proizvoda, te izvršiti prijavu cijene za iste.

4. Privredni subjekti, iz tačke 2. stav1. alineja 2. ovog Uputstva, čiji je prihod veći od 500.000 KM i broj zaposlenih veći od četiri, su dužni dostaviti putem faksa obrasce OPC i OPM ovom Ministarstvu radi evidentiranja, i to u roku od tri dana ( ne računajući dan dostavljanja), prije početka primjene cijena, odnosno marži ( sol za ljudsku prehranu, šećer kristal, mlijeko u prahu, jestivo ulje u jediničnoj mjeri kilogram, odnosno litar i margarin od 250 grama).

5. Nadležni organi u kantonima i općinama će u skladu sa odredbama člana 9.stava 1, alineja 1.i 2. Zakona o kontroli cijena ("Službene novine F BiH"br. 2/95 i 70/08), svaki u

okviru svoje nadležnosti, odrediti proizvode, robe i usluge za koje su im privredni subjekti dužni dostavljati obavještenja o promjeni cijena i marži.

6. Danom stupanja na snagu ovog Uputstva prestaje primjena Uputstva o načinu, sadržaju i rokovima dostave obavještenja o promjeni cijena i marži pojedinih proizvoda i usluga ( "Službene novine F BiH", br. 3/02, 71/08).

7. Ovo Uputstvo stupa na snagu narednog dana od dana objavljivanja u "Službenim novinama Federacije BiH".

Ministar  
Mr.sci Desnica Radivojević

Br: 01-02-822/09  
2.juna 2009.godine  
Mostar